

սկսան չարիս առնել Սահակին և Ս. Աթոռին: Եւ եհաս համբաւս այս առ կաթողիկոսն յԵւզոկիա քաղաք, և դարձաւ անտի, և եկն գարձեալ ի Ս. Էջմիածին: Եւ նոքա որք կամէին չարիս առնել Աթոռին, յորդորեցին զՈ՛նփրիոսն՝ և առաքեցին հրաւիրակ Եղիազարին. և ելեալ գնաց մինչ ի կարին: Իսկ Եղիազարն իբրեւ լուաւ զդառնալն կաթողիկոսին, քամահանս վարկաւ ինքեան և ի խոր խոցեցաւ ի սրտի իւրում...» (2):

Եղիազար տեսնելով որ պիտի չկարենայ Էջմիածնի մէջ կաթողիկոսանալ, կ'որոշէ հակաթոռ կաթողիկոսութիւն մը հաստատել Երուսաղէմի մէջ: Իր այս խորհուրդը կը յայտնէ Կիլիկիոյ Խաչատուր կաթողիկոսին, որ 1663ին ուխտի համար Երուսաղէմ կը գտնուէր: Այս մասին Օրմանեան կը գրէ. «Գլխադիրի մատուռին մէջ առանձնանալով անոր յայտնեց Օրմանեան գաւառները Էջմիածինի կաթողիկոսութենէն զատելու խորհուրդը, Կիլիկիոյ Աթոռին չդպչելով, և անոր թողլով որչափինչ արդէն անոր կը պատկանէր, և մնացածներուն համար նոր կաթողիկոսութիւն մը ստեղծել, և զայն իրեն սեփականել, Աթոռն Երուսաղէմի մէջ հաստատելով, և Երուսաղէմի ու Կ. Պոլսոյ պատրիարքութիւնները իրեն ենթարկելով: Գործին յա-

(2) Ջաֆարիա, անդ, հաս. Բ. էջ 71—72: